

直隸絳州志卷之七

宦績

北魏

陸凱字智君代人仕魏爲給事黃門侍郎在樞要十餘年以忠厚見稱出爲正平太守號爲良吏卒諡惠

西魏

楊標正平高梁人少慷慨值爾朱榮亂以義烈聞拜伏波將軍後從孝武入關以功進爵爲侯後攻拔正平河北南汾二絳建州太甯諸城以標行正平郡事復襲克東魏薛榮祖轉正平郡守威名大振九鄰境

直隸絳州志

卷之七

宦績

一

據險自恃如司馬恭侯景之徒皆不戰自遁子襲封泉企孝武時爲東雍州刺史高歡專政孝武有西顧之心欲委企以山南之事乃除洛州刺史常州都督未幾孝武西遷歡率衆至潼關企遣其子元禮督鄉里五千人出太谷以禦之高歡不敢進梁魏興與洛州接壤表請內屬詔企爲行臺尙書以鎮之太行臺賀拔岳以企昔涖東雍爲吏民所懷乃表復爲刺史詔許之

裴果字戎昭河東聞喜人少慷慨有志畧周太祖曾使并州與果遇果知非常人密附焉永安末從軍討

賊乘黃驄馬衣青袍每先登破敵時人號爲黃驄年  
少永熙中授河北郡守沙苑之役率宗黨歸西魏解  
玉壁圍摧鋒陷陣所向披靡除正平郡守正平果本  
郡也以威猛爲政百姓畏之盜賊屏息厯牧數州皆  
稱職卒諡質

王德代武川人雖不知書而斷決處分無以過之在州  
未幾百姓懷之卒諡獻

唐 永性清廉家無蓄積世咸稱之

梁 禦字善通其先安定人後因官北邊遂家於武川  
少好學長更好弓馬爲政舉大綱民庶稱焉卒諡武

直隸絳州志

卷之七

宦績

二

昭

劉 亮中山人少倜儻有縱橫計畧從賀拔岳西征常  
先登陷陣與諸將謀迎周太祖以勇敢見知爲時名  
將謀策多合機宜太祖曰卿文武兼資卽孤之孔明  
也賜名亮封長廣郡公大統十年出爲東雍州刺史  
爲政清靜百姓安之在職三歲卒於州諡曰襄

達奚武字成興代人爲賀拔岳別將同翊戴周太祖廢  
帝元年以大將軍出鎮玉壁量地形勝立樂昌胡營  
新城三防齊將高苟子以千騎攻新城武邀擊之悉  
虜其衆周受禪拜柱國武成初轉大宗伯封鄭國公

齊將斛律敦侵汾絳武以萬騎禦之敦退武築柏壁城畱開府權嚴薛羽生守之保定三年遷太保以三萬騎自東道與北道隋公楊忠期會晉陽武至平陽後期不進而忠已還齊將斛律明月遣武書乃班師天和三年轉太傅五年卒諡桓子震襲爵

北齊

傅 伏武平六年爲東雍州刺史七年爲行臺石僕射齊敗惟伏不下先是周主之擒尉相貴也招之不從既克并州復遣韋孝寬招之令其子以上大將軍武鄉公告身及金瑪瑙貳酒鐘賜伏爲信伏不受謂孝寬曰事君無貳此兒爲臣不能竭忠爲子不能盡孝人所讐疾願速斬以令天下及聞高緯被擒乃降引使宿衛授上儀同大將軍

北周

裴文舉字道裕聞喜人父邃任正平廉約自守每行春省俗單車而已文學少忠謹涉獵經史爲絳州刺史一遵父政務以德化民總管韋孝寬特相欽重每與談論不覺膝前於席天和初晉驃騎大將軍開府儀同三司尋爲孝寬柱國府司馬

隋

韋世康京兆杜陵人孝寬兄子也父憂養高不仕世康幼而沉毅仕魏封漢安縣公後從周武帝平齊授司州總管長史時東夏初定世康綏撫之士民胥悅尉遲迴之亂高祖謂世康曰汾絳舊是周齊分界因此亂階恐生搖動今以委公善爲吾守因授絳州刺史以雅望鎮之闔境肅清世康性恬素好古不以得喪干懷在任有惠政奏課連最擢爲禮部尚書轉吏部選用平允請託不行後再拜陳讓願乞骸骨上不許尋卒贈大將軍諡曰文

梁 軌字世暮開皇初以內軍將軍爲臨汾令

古臨汾  
即正平

直隸絳州志

卷之七

宦績

四

郡 臨汾民病鹵生物瘠疲因鑿山源開鼓堆泉十二渠溉田五百餘頃利甚溥民歌頌之爲立祠

按州志梁軌有功水利於今爲烈而府志梁後有范軌省志梁後有張軌姓異名同而事跡畧同類意范軌張軌疑卽梁軌歟

陳叔達字子聰陳宣帝于隋大業中爲絳郡通守受學於文中子叔達下捕賊之令曰無急也請自新者原之以觀其後文中子聞之曰陳守可與言政矣文中子嘗在絳出於野遇叔達曰夫子何之文中子曰將之夏叔達令勸吏息役董常聞之曰吾知夫子行國

矣未嘗虛行也叔達嘗謂薛収曰吾行令於郡縣而盜不止夫子居於鄉里而爭者息何也収曰此以言化彼以心化叔達曰吾過矣退而靜居三月盜賊出境文中子聞之曰収善言叔達善聽後仕唐爲黃門侍郎判納言王凝嘗以文中子傳屬之卒諡忠

李安遠夏州人大業末補正平令時唐主兵起攻絳州安遠與通守陳叔達嬰城拒守唐公子素與安遠善及拔絳撫慰其家乃與同食授右翊衛統軍正平縣公

唐

直隸絳州志

卷之七

宦績

五

姜 暮上邳人從高祖平絳郡上言多見嘉納

羅士信齊歷城人大業中年十四從通守張須陁擊賊以驍勇顯武德初歸國以功擢授絳州總管封郟國公從征劉黑闥城陷遇害時年二十八諡曰勇

孔 正高宗時爲絳州刺史士民服其政及卒人皆悼之

李元軌高祖第十四子封霍王貞觀十年授絳州刺史閉閣讀書吏事責成於長史司馬謹慎自守與物無忤垂拱中至陳倉卒

李元禮高祖第十子善騎射始王鄭卽授鄭州刺史貞

觀十七年徙王徐遷徐州都督爲絳州刺史有善政  
璽書勞勉賜以錦綵實封至千戶永徽四年加司徒  
兼潞州刺史咸亨三年卒

李元懿高祖第十三子封滕王貞觀十年改封鄭王歷  
潞州刺史總章中累授絳州刺史數斷大獄甚平允  
高宗嘉之璽書褒美賜物三百段咸亨四年卒諡惠  
鮮于紹爲絳州刺史高宗儀鳳中爲同州刺史仍賜絹  
二百疋賞清廉也

李元嘉高祖子封韓王垂拱中刺絳州與越王子冲圖  
舉兵冲敗元嘉至京師謀泄后逼令自殺

直隸絳州志

卷之七

宦績

六

李朝隱字光國京兆三原人以明法舉拜臨汾尉擢至  
大理丞神龍中爭五王不宜輕用法貶嶺南宰相言  
其清正上更以爲聞喜令遷絳州刺史復爲大理卿  
訊武疆令裴景仙受贓言其先寂有國功宐宿景仙  
得不死後拜御史大夫充嶺南採訪處置使卒諡貞  
李 湛義府幼子沉厚有度襲河間郡公武后末與敬  
暉等誅張昌宗張易之神龍中爲絳州刺史累拜左  
領軍大將軍開元十年卒贈幽州都督

韓思復字紹出京兆長安人長山縣男倫孫舉秀才高  
第襲祖封爲刺史治行名天下開元中歷絳州拜黃

門侍郎元宗北巡爲行在巡問賑給大使遷御史大夫進伯卒諡文上親題其碑曰有唐忠孝韓長山之墓

嚴 浚華陰人爲絳州刺史威惠並行吏民畏服

嚴挺之天寶間爲絳州刺史明皇欲進用李林甫忌嫉之因招挺之弟損之佯與叙故舊云當以子爲員外卽又云朝廷待賢兄極深須作一計入京旣見當有大用令損之取絳郡一狀云有少風氣乞入京師就醫林甫持狀奏云挺之年高近患風氣且授一閒官明皇歎咤久之林甫奏授員外詹事便令東京養疾

直隸絳州志

卷之七

宦績

七

郭子儀肅宗寶應初絳州素無積儲歲飢糧賜不充軍士嗟怨突將王元振作亂殺行營都統李國 大肆標掠朝廷憂其與太原亂軍合乃以汾陽王子儀知朔方河中等節度行營副元帥發京師絹四萬疋布五萬端米六萬石以給絳軍初李國貞治軍嚴將士不樂皆思子儀元振因之作亂子儀至元振自以爲功子儀曰汝臨賊境輒害主將若賊乘其釁無絳州矣吾爲宰相豈受一卒之私耶收元振及其同謀四十餘人皆殺之自是河東諸軍皆奉法

韋 陟字殷卿京兆萬年人安石子襲郇國公肅宗卽

位起吳郡太守欲以爲相使者趣未至疑有顧望意  
止除御史大夫杜甫論房琯詞意迂緩陟言其不失  
諫臣體王去榮殺縣令帝欲宥之陟謂非宜時拜吏  
部尚書久之宗人伐墓柏坐不相教貶絳州刺史陟  
早有名而爲林甫國忠擯廢及肅宗擇相自謂必得  
以後至不用任事新進皆望風憚之多言其驕倨及  
入關又不許之京師鬱鬱不得志以疾卒自書陟字  
名五朶雲時人慕之號郇公五雲體絳州有遺愛碑  
李栖筠字貞一趙人幼孤有遠度莊重寡言舉進士調  
尉氏主簿歷改河南令李光弼守河陽高其才引爲  
行軍司馬兼糧料使至德中改絳州刺史擢給事中  
累遷御史大夫封贊皇縣子卒諡文獻

蘇 震雍州武功人瓌孫詵子彊學有成人風伯父頤  
曰吾家有子至德中累拜文部侍郎從廣平王平長  
安後爲絳州刺史以勞封岐國公終太常卿贈禮部  
尚書

馬 燧汝州陝城人李懷光反河中詔燧爲河東保甯  
奉誠軍行營副元帥與渾瑊等合兵討之燧帥步騎  
三萬次於絳畧定諸縣降其將馮萬興仕象玉遂圍  
絳拔外郭守將夜棄城去降四千人遣李自良定六



縣降其將辛旼收卒五千

李晟臨潭人貞元元年以神策行營節度使兼河中  
晉絳等州節度使所過秋毫無犯

渾瑊貞元初晉絳節度使天性忠謹爲政簡易明肅  
德惠多及人

李憲晟次子仁孝喜儒以理法自矜初調太原府叅  
軍事歷遷絳州刺史絳有幻人怵民以亂憲執誅之  
河中兵本仰食於絳而汾可輸河渭歲租與糴常數  
十萬石憲濱汾相地治新倉當費二百萬請畱垣縣  
粟糴河南以錢還糴絳粟旣免負載勞又權其贏以

直隸絳州志

卷之七

宦績

九

完新倉絳人利賴之卒諡武兄愿亦爲河中晉絳節  
度使

盧元輔字子望宰相盧杞子以清行聞擢進士歷絳州  
刺史課最召授吏部郎中進兵部侍郎卒端靜介正  
人不以杞之惡爲累云

韋武萬年人少孤年十一廕補右千牛累遷長安丞  
德宗幸梁州委妻子奔行在除殿中侍御史戶部侍  
郎轉刑部員外郎是時帝以反正告郊廟大兵後典  
章未究執事者時時咨武武酌宜約用得禮之中羣  
司奉焉德宗朝爲絳州刺史鑿汾水灌田萬三千餘

頃璽書嘉勞憲宗時入爲京兆尹卒贈吏部尙書  
杜黃裳字遵素京兆萬年人擢進士元和中爲晉絳節  
度使達權變有大畧性恬淡後平蜀擒劉闢以功拜  
平章封邠國公

李 漢少事韓愈通古學屬辭雄蔚爲人剛正畧類愈  
愈愛重以子妻之擢進士第以御史中丞吏部侍郎  
坐牛李黨改絳州司馬詔有司二十年不得用不數  
年徙絳州刺史

石 雄武宗時爲晉絳行營節度使討劉正

狄惟謙梁公之孫會昌中爲絳隰刺史有名稱

直隸絳州志

卷之七

宦績

十

唐彥謙咸通末舉進士歷絳州刺史有詩集傳世

楊 損字子默家新昌里與路岩第接岩方爲相欲易  
其廐以廣第損族仕者十餘人議曰家世盛衰繫權  
者喜怒不可拒損曰今尺寸土皆先人遺非吾等所  
有安可奉權臣耶窮達命也卒不與岩不悅使損按  
獄黔中踰年還三遷絳州刺史

張 圓字直之河南偃氏人以河東從事後攝絳州能  
聞朝廷卒於汴韓愈作墓銘

樊宗師字紹述蒲州人擢軍謀宏遠科爲絳州刺史有  
治聲家本饒悉散戚黨進諫議大夫有文譽作絳居

園池記

張廷蘊開封襄邑人事晉遷軍校李繼韜叛於潞州爲馬步軍都指揮使將兵馬前鋒至潞日已暮卽率兵百餘踰濠登城城守者不能禦遂破潞州明旦明宗與元行欽後至明宗心頗嫌之後歷絳州防禦使卒廷蘊素廉歷七州家無餘貲

陸 宸字祥文陝州人光啟二年進士判絳州嗜學有才思鄭從讜寓絳州與之談宴無閒先後稱之於朝位至清顯歷同平章事再當國罷遇害於白馬驛

宋

直隸絳州志

卷之七

宦績

十一

錢惟濟知絳州有強奪民條桑者不能得乃自斫其右臂誣以陷人惟濟引問面給以食盜以左手舉筋因語之曰他人行刃則上重下輕今下重上輕正用左手傷右臂也誣者引服

李 垂字舜工明道中知絳州修夫子廟還朝閣門祇候李康伯謁之因謂曰舜工文學議論稱於天下諸公欲用爲知制誥但宰相以未曾相識盍一往見之垂曰我若昔謁丁崖州則乾興初已爲翰林學士矣今已老大焉能趨炎附熱看人眉睫以冀推挽乎執政惡之出知均州

呂夷簡字坦夫壽州人蒙正弟子第進士補絳州推官  
天聖中參知政事拜同平章事封許國公夷簡於天  
下事屈伸舒卷動有操術卒諡文靖  
富弼字彥國河南人舉茂材異等初以將作監丞關  
決絳郡多美績士民至今懷之有祠

張昇字杲鄉韓城人第進士以母老求知絳州忠謹  
清直仁宗嘗謂爲孤立云卒諡康節

宋敏求字次道賜進士及第神宗初知絳州後加龍圖  
閣學士嘗建言河北陝西河東舉子性朴茂而詞藻  
不工故登第者少請令轉運司擇薦有行藝材武者  
直隸絳州志  
卷之七  
宦績  
十一  
特官之使人才參用而士有可進之路又州郡有學  
舍無學官故士輕去鄉里以求師請置學官後頗施  
行之

李大臨字才元華陽人第進士爲絳州推官杜衍安撫  
河東薦爲國子監直講終天章閣待制大臨與宋敏  
求蘇頌稱熙甯三舍人

朱壽昌字康叔天長人天性孝友以將作監丞關決絳  
州多著美績

謝皓字商老人大學與游權老龔吉老齊名時人目  
爲三老元豐中第進士歷金部郎官遷司農少卿出

守絳州以公廉稱

聶

昌臨川人靖康中登政府出知絳州遇害

辨見  
職官

王庶爲陝西制置使兼節度懷慶涇原兵金婁室大掠而東庶以書約懷慶帥王似涇原帥席貢欲逼餘虜渡河復限大河自守似貢不應庶爲國拒守金人還師陷絳州

按王庶爲陝西制置使爲國拒守所守者陝地於絳何與焉省志府志俱不錄其祀名宦也未知何據

金

直隸絳州志

卷之七

宦績

十三

范承吉字寵之進士初從宗翰克宋翰所得金使承吉司其出入無毫髮欺及還犢車載書史而已擢知絳州先是軍興民有爲將士所掠而逃歸者承吉遍諭俾其自實凡數千人具白元帥府許自贖爲良或貧無貲者以公厨代輸改河東北路轉運使時民賦重承吉經畫立法簡便官民咸足

高汝礪金城人大定中進士爲石絳二州刺史有政聲人謂政事文學可比樊宗師富鄭公焉後相宣宗號爲良相

郭通亳州人大定初擢陝西路轉運司都勾判官時

晉絳戶稅轉輸平涼通監視之官吏無敢秋毫犯二  
州民舉手加額後爲絳陽軍節度副使父老咸曰此  
昔平涼閔恤我曹者也再期年大治絳人繪像於天  
甯寺舍立石紀德終清河防禦使

納蘭胡魯刺大名路怕魯歡猛安人寡言笑好讀書承  
安二年進士第一除應奉翰林文字貞祐中遷絳陽  
軍節度使權河東南路宣撫副使是時兵興胡魯刺  
完城郭繕器械料才壯爲鄉兵延問耆老招致儒士  
次以備禦之策鹽米儲侍勸富民出粟郡賴以完賜  
詔褒諭加資善大夫官其次子吾申改權經畧使被

直隸絳州志

卷之七

宦績

十四

召以疾不能行卒於絳州

田世英進士河中人博學能文尤長於詩興定二年任  
州教授

張升大同人爲絳州錄事趙偉反謂所識者誼不能  
從赴水死

張元絳州正平令有治績

元

鐵連乃蠻人居絳州祖伯不花爲宗王拔都王傅鐵  
連魁偉寡言有謀畧早歲宿衛王府拔都分地在平  
陽以鐵連監隰州中統初調平陽馬步站達魯花赤

至元初宗王海都叛鐵連始終四往返歷十四年上賞勅所受海都皮服二襲全飾以金朝會服之以表示焉又謂鐵連曰朝官之要重者惟汝所擇對曰臣志在王室今於王室未有裨益不敢奉命但臣母在絳州老且病得侍朝夕幸也詔從其請授絳州達魯花赤十五年平陽李二謀亂捕問之盡得其狀中書奏進秩上曰鐵連豈惟能辦此耶加宣武將軍十八年卒於官年六十四子答刺帶嗣官信武將軍同知大同路達魯花赤

劉亨安其先范陽人後遷遼東元初國王木華黎經畧

直隸絳州志

卷之七

宦績

十五

遼東其兄世英率族里隸麾下分兵收燕趙雲朔河東以功充行軍副總管時平陽諸軍數被兵民物空竭世英言於王曰自古建國以民爲本今河東殺掠殆盡異日我師復來孰給轉輸收存恤亡此其時也王善之以絳州邊地難其人奏授世英絳州節度使兼行帥府事卒於師無子國王孛魯命其族兄德仁襲職丙戌金將移剌副樞攻絳州城陷死之木華黎承制命亨安領其衆奏賜金虎符授鎮國上將軍絳州節度使行元帥府事兼觀察使庚寅冬從王師渡河入關辛卯春克鳳翔歷秦隴屯渭陽秋出階城沿

漢抵鄧壬辰會大軍於鈞州敗金人於三峯山甲午  
平蔡旣而宋兵二十萬攻汴都元帥塔察兒俾亨安  
拒之宋師遂洩塔察兒喜曰眞將才也勞賜甚厚丙  
申都元帥塔海征巴蜀攻散關破劍門出奇制勝亨  
安功居多進圍成都亨安爲先鋒大破之有喬長官  
與亨安爭功未幾攻城喬爲砲所傷亨安負之以出  
喬感且愧焉亨安從軍累著勲伐所獲金帛悉推與  
將佐故士卒咸樂爲用子貞嗣職

按省志載劉亨遺安字所錄皆亨安兄世英事亨  
安事則未之詳也今考元史與州志合從之

直隸絳州志

卷之七

宦績

十六

程元直亳州人知文城勸農興學政平訟簡人心悅服

陞知絳州

彭仲德東明人至元中知絳州有遺愛碑

見藝文

李榮祖雲中人至正初知絳州有政績碑

見藝文

宋克篤長白人至正中進士知絳州時稱其文章政事

可方文潞公

靳和曲沃人居鄉喜周貧乏導人以善歷仕知絳州

政治公平

靳柱襄陵人善屬文至正丙戌進士授絳正平縣尹

尋陞監察御史



劉履謙至正閒以絳判知絳縣政績懋著

明

顧 登洪武十年知絳州建祀壇葺學宮修治廨規制  
悉備

王汝績江西金谿人宣德閒以舉人知絳州躬歷隴畝  
勸農桑課勤惰不數年土田悉墾大葺孔子廟修舉  
學政子弟雖愚懇誨之不倦旁邑民間以事至亦  
必教以敦本節用凡有徵集第書片紙付里甲悉踴  
躍樂赴無敢後者俗舊好鬪不勝輒輕生親屬厚誣  
必致破產乃已嚴禁之有自斃者槩不受理劫盜出

直隸絳州志

卷之七

宦績

十七

其途能先知卽掩捕置之法在任九年訟息獄空教  
化大行當考績遽卒 民勒其政績於石 見藝文

李 學河南祥符人正統四年知絳州公廉守法洞悉  
民隱所興舉咸得體要民肖像祀於羊舌廟

言 芳山東鄒平人成化六年以進士知絳州博學謹  
守居官清正衙舍蕭然幾可羅雀

劉 觀平度州人成化閒知絳州廉勤威斷吏畏民懷  
居三年乞休獲請卽單車就道循良之迹去就之義  
不愧古人

賈 定河南通許人成化閒以進士知絳州通敏有吏

才遇疑難立剖決絳有屠人誘人出殺諸谷中歸而私其妻不從復殺之而搜其處女鬻他所以滅其迹事久弗白定廉得之論如法絳有積薪逋者破產糜家仍無以償定通一州丁戶足其數自是歲無逋者嘗立善惡二籍歲終覈實誅賞有差會大飢絳獨免因上救荒八事是年平垣曲盜規畫所及鄰境胥受賜後改易州尋陞山西按察司僉事

李 憲青城舉人爲州學正施教有方勤而無倦以禮經授諸生陞萊水知縣

馬 駙澄城舉人爲州訓導長於詩古訓迪有方

直隸絳州志

卷之七

宦績

十八

李守經汝陽舉人爲州學正以春秋授諸生人多傳誦焉

徐崇德山東濟甯州人洪治十二年以舉人知絳州置文廟祭器士林稱之

張 憲涇陽舉人性至孝朝廷旌之廉以持已勤於誨人士以束脩見者貯之公爲易銅繕祭器勒諸石知州李文潔有記

見藝文

易 謨河南固始人正德九年以進士知絳州清而有爲熟悉民間利害興除胥得其宜陞陝西西安府同知有去思碑民肖像祀富鄭公祠

李文潔江西貴溪人正德十二年以舉人知絳州剛正  
明斷清操凜然嘗興學校毀淫祠均賦役鋤豪強居  
四年風清弊絕陞建甯府同知去之日民泣送如失  
慈母肖像祀富鄭公祠

顏煜上虞舉人能詩文由州學正陞南京刑部主事  
錢貢蘄水人嘉靖十年以舉人知絳州嚴明剛斷  
圖常空陞廉州府同知

張文弼深州人嘉靖十七年以舉人知絳州慈祥忠厚  
平易近民陞府同知累遷刑部郎中

彭燦河南靈寶人嘉靖二十年以舉人知絳州有惠

直隸絳州志

卷之七

宦績

十九

政陞臨洮府同知累陞按察司副使

劉朝麒臨洮衛人嘉靖二十八年以舉人知絳州敦厚  
愛民剛果執法絳有靈邱藩封招納無賴甚爲民害  
朝麒正其罪諸宗人欲危之朝麒論以法乃解去陞  
廣德府同知轉按察司僉事

許用中進士山東東阿人放達能詩陞口北道僉事

金翮浙江樂清進士嘉靖三十二年以刑部郎中謫  
任同知有清操署州數月興利除害聲動全晉州舊  
有牛頭遠赴瑞石驛爲累滋甚申請折銀解納百姓  
便之詳見所著非非稿諸所節省歲計數千金陞徽

州府通判

黃 儒河南汝陽人嘉靖三十五年以舉人知絳州修  
南北城樓

邢 化山東臨邑人嘉靖四十三年以官生知絳州廉  
辦不爲刻覈遇訟獄悉令自拘有以和息請者聽之  
弗徵贖緩學正李必昌南海人也與其妻並卒於任  
子女幼弱貧不能歸乃賻以百金擇老嫗及義民護  
送歸里陞延安府同知致仕

蕭 儼江南涇縣監生嘉靖四十三年以兵馬使謫任  
同知博學工文議論悉本經史舊例冬月汾川架橋

直隸絳州志

卷之七

宦績

二十

板椿之徵歲以百計春夏水漲濟用舟楫橋置水濱  
板多遺失儼署篆命以舊板畱用壞者易之不復徵  
銀後遂奉爲成法署臨汾臨晉兩邑俱有聲

張允濟固安人隆慶間進士以郎中出知絳州丰度威  
嚴不事鈎索人自不欺甫一年以艱去先是運司邊  
方兩處查盤計歲代屯潞徭銀民多苦累允濟力請  
申豁方允半代去後仍全代如故歷陞僉都御史巡

撫山東

蔚 楷合肥人爲州學正規範嚴整雖私居必正冠垂

紳

辛繼先襄城人爲州學正純朴閒靜有古人風

賀榮河南唐縣人學有本原爲學正講貫不輟評隲  
課藝妍媸不爽

李必昌廣東南海舉人工古文詞爲州學正延掌河東  
書院督率善誘諸生以得師爲慶陞修仁知縣未之  
任卒於絳士民哀之知州邢化爲經紀其喪

段邦寵陝西朝邑舉人剛斷明察庚午北闈同考時稱  
得人由州學陞國子學錄戶部主事

郝養民鄜州人爲州訓導忠誠愛士每月試躬爲督率  
馬繼直隸永年人爲州訓導講學論文諸生多負笈

直隸絳州志

卷之七

宦績

二十一

門下

張軌鳳翔人愷信朴茂愛士如子由訓導陞教諭

宋應昌浙江仁和人隆慶元年以進士知絳州州城濱  
汾常患水齧城應昌至築石堤護之清丈地糧杜絕  
飛詭公館供具悉以官辦司夜火夫照坊編派閭閻  
無擾民歌思之歷官右都御史

屈大陞咸甯人隆慶六年以舉人知絳州馭吏以法撫  
民以寬建寅賓館沐愛坊

李遷喬安邱人萬曆四年以舉人知絳州清廉誠信卒  
於官士民哀之

敖得義湖廣竹谿人萬曆四年以歲貢任同知性和而介州人多以產構訟牧委得義聽之惟理是直一無所徇陞南安府通判和曲州知州

蔡楠沛縣人萬曆十年以歲貢任同知廉正不阿直指課吏將示薄戒楠正色曰願聞可戒之狀既得其狀願置之理及理之而白則拂衣去活民方藥遺愛尚存

劉庚山東壽光進士萬曆十三年以主事謫任同知先在南部時以文涉時政遂左遷聲振中外時州守愎而奢以庚至乃稍自戢庚所到輒題咏寓意忠愛

直隸絳州志

卷之七

宦績

二十一

不涉怨誹未幾以艱去歷陞浙江按察司

尹鳳儀山東新泰人萬曆十四年以舉人知絳州值歲荒拮据焦勞日無甯晷捐俸散賑全活甚衆

白璧陝西清澗人萬曆十八年以舉人知絳州酌汾灘荒地建莊以便開墾人稱白家莊北關水路久湮力爲疏導人多德之

杜濬直隸任邱人萬曆十九年以舉人知絳州廉明能斷片言折獄絳俗故輕生雖小忿輒自斃以累人濬嚴禁之有犯者悉令自瘞俗爲一變與民休息不輕役一人不輕取一物無媿杜母尋致仕歸

王大棟萬曆二十二年知絳州捐俸置學田建文昌閣  
盧 點萬曆二十八年知絳州清廉寬厚且有知人之  
鑒

范 垠陝西邵陽人萬曆二十年以選貢知絳州恤民  
愛士法繩吏胥公庭肅然

張繼東丹徒人萬曆三十三年以舉人知絳州慈祥愷  
悌用刑極簡青衿以寒苦告輒賑之不厭其瀆有古  
循吏風

方立誠太平人萬曆閒以舉人知絳州文章政事雅思  
復古重修州志

直隸絳州志

卷之七

宦績

二十二

朱正寅雲南人萬曆閒以舉人知絳州才識明敏興利  
除害民資保障焉

笄繼良丹徒人知絳州崇尚理學惠愛士民臨行解所  
佩銀帶以爲修復河汾書院之需

郃永春修武人爲州學正恩撫諸生視猶子弟

黃一中黃岡舉人爲州學正好古能文纂修州志

曹樹聲會稽舉人爲州學正博雅工書從游甚衆

田毓華汴梁舉人爲州學正博學能詩推誠待士歷官

滇南知府陞南部郎中

白 澤綏德州舉人由州學正陞平遙知縣武畧特優

擢安慶府監軍同知

雷 翀陝西郃陽人以舉人知絳州忠厚悃悞惠愛士民禱雨輒應襍火反風立殲大豪爲民除害孫學謙第進士仕至監察御史

黨 琬陝西城固人知絳州賢能懋著卓有政聲

孫 順貴州人崇禎十四年以進士知絳州愛民下士不愧循良

魏 濂山東鉅野監生判州事以廉幹聞州城街道濂易以石陞五臺縣知縣

王 翰山東商河吏員判州事操守清潔法令嚴明克

直隸絳州志

卷之七

宦績

二十四

頑斂跡

邵 綰陝西富平吏員判州事緝盜安良民深感之賀有敬直隸束鹿貢士判州事廉明善治盜

李初元四川劍州人判州事一錢不取署州篆甚得民後罷去遮道送者千餘人

呂 偉靜樂人爲州訓導與貢士陶世徵增設配哲兩廡贊牌

錢 適江南丹徒吏員爲州吏目有幹才善緝盜

國朝

陳維新奉天廣甯人啟心郎順治二年知絳州廉明誠



愨愛民如子陞大名府知府歷陞巡撫

聶源直隸萬全衛人順治二年以舉人知絳州才識明敏判斷如流崇文課士振興學校

單惺直隸棗強人順治九年以舉人知絳州恭謹簡默旁竇盡杜陞工部員外

薛世望字山子湖廣江陵人順治十四年以貢士知絳州慈良愷悌士民愛戴館餼課士文風丕振

王琦字奇玉直隸大興人順治十六年以舉人知絳州政事詳明斷獄無滯秋闈分校號稱得士

史必遵孟縣拔貢爲州學正丰儀秀整識鑒精敏歷官

直隸絳州志

卷之七

宦績

二十五

國學部郎陞湖廣衡州道

張世澗會稽舉人潞安府籍氣度寬和才思通敏詩效元白體與多士相唱和任學正二十年陞平陽教授卒以絳爲桐鄉云

劉顯第字澤遠奉天東甯人康熙二年以貢士知絳州有幹才百廢具興優禮士紳重修州志

李調元蔚州舉人爲州學正增修祭器簿正祀典

蒲昌迪四川渠縣人康熙十七年以舉人知絳州廉惠明斷捐俸修學

劉涵直隸宣化府人康熙十九年由廕生知絳州飭

廢弛抑奔競訟簡刑清門無私謁陞戶部員外郎

程 珮長治歲貢爲州訓導才學優裕風雅歸之

胡一俊直隸欒城人康熙二十八年由監生知絳州斷  
獄明決宵小屏息

程好生祁縣舉人爲州學正博學能文士楷式之

董 梅平定州舉人爲州學正工於詩文課士不倦從  
游甚衆

王 瑛字滄山湖廣武陵人康熙丙子舉於鄉出宰晉  
沃甲午春奉命兼攝州事革耗羨嚴私派編保甲靖  
盜賊善政縷縷甫期年而境內稱治去之日州人建

直隸絳州志

卷之七

宦績

二十六

生祠祀之

萬國宣江西南城人雍正元年由監生知絳州廉幹明  
敏莅任二年州改直隸更察院爲貢院改天主堂爲  
東雍書院具載碑記陞歸德府知府歷陞浙江按察  
司

馬 嵩忻州舉人爲州學正制義清真忠誠待士

顧開陸江南無錫人雍正七年以進士知絳州誠信待  
人不愧儒吏

童 紱直隸左衛籍浙江紹興人雍正十一年由監生  
知絳州才識明敏振興文教爲書院延師訓課成就

頗衆詳見碑記

邵其德雲南保山人乾隆六年以翰林院庶吉士改外任方正廉潔一塵不染調任後行橐蕭然饋遺盡卻臨行泣送者數百人

王 玘浮山廩貢乾隆七年爲訓導誠信無欺訓士有方

李 高山東高密人乾隆八年以進士知絳州慈惠廉正盡革行戶供應陋規催糧設立滾單民甚便之

段夢日江西樂平選貢判州事修建衙署厯署縣篆有政聲

直隸絳州志

卷之七

宦績

二十七

張成德江蘇丹徒人乾隆十八年知絳州厯十餘載政簡刑清不煩不擾慨然以維持風化爲急因節孝祠湫隘囂塵無以光祀典捐廉移建棟宇一新重脩州志搜輯靡遺士林稱之

張 濤順天副貢道光二年知絳州性仁慈獄囚多所全活修養濟院立城北義塚州人德之光緒四年呈請入名宦祠

李廷樟廣西陸川縣進士咸豐十年知絳州潔已愛民始下車卽除投到討保吏胥勒索陋規因完糧加耗過多定九三銀以加三五爲準飭立碑永遠遵守時

捻匪未靖公團練壯丁防堵津垣著有成績輯武經團鏡分頒各鄉又因州城頽圯守禦維艱諭民集資修葺越二年城牆俱已堅築陞平陽知府未幾捻匪竄境城完可守民賴以無虞

陳世綸直隸青縣人己酉拔貢歷官滎河夏縣潞城萬泉陽曲等縣署忻州升授絳州 賞戴藍翎在任侯補知府公才識明敏遇事有權略咸豐三年在籍辦團屢著戰績官滎河夏縣時均遭寇警公外禦內撫民賴以安光緒三四年間絳郡薦饑道殣相望公辦理賑務驅策羣力事必躬親不遑寢食孜孜懇懇半年如一日窮民保全甚衆而公竟積勞不起矣先是三界莊匪民乘機聚衆謀蠢動鄰近不逞之徒互相觀望勢將並起郡中一日數警公不動聲色集勇役掩捕之斬二人以徇餘黨分別遣散各村宵小聳懼或就擒或遠遁消弭巨變於指顧間而賑務得以次第舉行歿之日州人感泣鳩資建祠以祀